

邊蠻夷君長欲入見天子勿得禁止以聞上許之以故

滿得以兵威財物侵降其旁小邑真番臨屯皆來服屬

方數千里傳子至孫右渠師古曰滿死傳子子死所誘

漢亡人滋多師古曰滋益也又未嘗入見師古曰天子也真番辰

國欲上書見天子又雍闕弗通師古曰辰謂辰韓之國也雍讀曰壅元封

二年漢使涉何譙論右渠終不肯奉詔師古曰譙責讓也音才笑反

何去至界臨沮水使馭刺殺送何者朝鮮裨王長師古曰長

者裨王名也送何至沮水何因刺殺之即度水馳入塞遂歸報天子曰殺

朝鮮將上為其名美弗詰拜何為遼東東部都尉朝鮮

怨何發兵攻襲殺何天子募罪人擊朝鮮其秋遣樓船

乾隆四年校刊